

## 客語朗讀(四縣腔) 國中學生組 編號 3 號

### 《天氣》

春天來誼天氣漸漸燒暖，分人个感覺盡爽快。田坵肚个禾仔青溜溜仔，樹頂項个鳥仔啾啾啾，對朝晨頭唱山歌唱到暗。

熱天雨水多，出門盡好帶遮仔，日頭下好遮日，落雨時好抵雨。下晝頭若係落過雷陣雨，到臨暗頭，常常看著西片出日頭，東片出天弓。

秋天个西北雨，落一陣涼一陣，毋過，有成時，到九月，日頭還會咬人。

每年六月到九月，時常會發風災。風災來以前，空氣充燒又翕熱，烏雲在天頂項打環車，隔無幾久風來雨也來，呼天呼地緊來緊大。暗晡頭停電暗摸摸，大家擠上眠床，聽老人家講傳仔。有時節狂風雨連續兩三日，灶下無菜好煮，桌頂項剩著豆豉、老薑同蘿蔔乾。

冬天難得有雨露。寒流一來，老嫩大細全部著出大襖。冬至食誼圓板仔，細人仔就開始望過年。